

東
華
續
錄

東華續錄

同治八十

臣王先謙敬編

臣張式恭校

八月庚子朔德英等奏黑龍江內地各處向無外國通商處所茲俄人輪船由松花江上駛抵呼蘭河口停泊要求通商臣等派員往阻俄官囑爾幅以批捷生科發給執照前來不能將商船喚回並請給文保護商人見已由呼蘭河口開船東下請飭總理各國事務衙門照覆該國駐京公使嚴禁俄國官商濫行越境奏入命總理各國事務衙門知照該國駐京公使按約辦理○辛丑廣四

川大邑縣學額一名○調志和爲禮部右侍郎瑞聯爲盛京刑部

侍郎綿宜爲盛京兵部侍郎

由禮部右調

○壬寅諭軍機大臣等穆圖善

奏甘涼肅三屬軍糧不能移作出關兵食並請飭袁保恆撥解西

東華續錄

同治八十

征半餉各摺片前因飭催成祿出關諭令左宗棠穆圖善將接濟軍食安設糧臺各節妥籌辦理茲據穆圖善奏稱肅州初復彈壓撫綏各營勢難遽撤需用芻糧向均就地籌辦連年輸助民力實已難支至甘涼二府民間勉力輸將供西路見駐之軍已不敷用若欲移作出關兵食不過徒託空言無裨實用惟關外安西敦煌玉門三州縣向係產糧之區文麟等軍口糧可由該三屬供辦等語尙屬實在情形卽著左宗棠穆圖善飭令安西等州縣設法妥辦陸續運解不敷之項仍著該督等隨時接濟不得稍涉推諉至糧臺應設何處省城相隔二千餘里勢難臆斷文麟景廉成祿同辦關外之事卽可會合商辦擇地設臺派員經理庶免貽誤成祿見在行抵何處著卽刻期出關毋稍延緩左宗棠所部十二營亦抵秦州兵數日增需糧更鉅非籌撥鉅款多方採買不足分贍諸

軍穆圖善見派知府鐵珊經理其事著袁保恆遵照部議迅將各省應協甘肅半餉源源分撥以濟要需不准稍有遲誤穆圖善另片奏請飭調溫德勒克西常星阿來甘帶隊等語已諭令德英傳知該副都統傷病一痊卽行前赴甘省常星阿見已來京所請調赴軍營之處著毋庸議黑龍江馬隊遠道出征必應妥籌接濟著俟行抵陝省卽由西征糧臺籌發餉銀二萬兩嗣後仍由該糧臺按月籌解以利師行將此由六百里諭知左宗棠穆圖善文麟景廉成祿並傳諭袁保恆知之○諭定安桂成奏官軍進援定遠營解圍請飭山西撥解協餉及皮衣銀兩各摺片回匪圍困阿拉善旗定遠營經張曜派令楊春祥等與世祿坤庫善馬步各隊援剿立解重圍追至廣宗寺斃匪甚多勦辦甚爲奮勉所有在事出力員弁兵勇著准其彙案請獎張曜分兵赴援調度有方著定安等

傳旨嘉獎見在賀蘭山一帶有無餘匪伏匿仍著飭令各營實力
搜捕毋畱餘孽甯靈東北一帶有無另股竄匪金順行抵何處日
來未見奏報著卽懷遵前旨會同張曜等軍確探賊蹤分投截剿
並將近日戰事賊情隨時據實具奏其打虎旗一帶賊匪前經宋
慶派令蔣東才等前往探剿著定安等仍飭迅速進剿毋任乘間
東竄宋慶張曜兩軍正當剿匪喫緊之際自可毋庸議撤其餉項
雖由河南撥解山西亦有應協月餉該兩軍在邊外防剿正以保
衛晉疆李宗義當按月源源籌解毋令缺乏其需用皮衣銀二萬
一千兩著照定安等所請先由殺虎口稅項內借款提用卽著李
宗義飭司趕緊如數籌撥解交該關監督查收歸款將此由五百
里各諭令知之○癸卯諭軍機大臣等都興阿等奏覆勘邊地酌
擬試辦並覆陳鳳城邊外情形各摺片據稱自鳳凰門迤南至旺

濟門北查得已墾熟地九萬六千餘晌男婦十萬餘人見擬由壤陽地南至鳳凰門外一帶地方先行試辦惟鑿江西岸一帶南北四百餘里與朝鮮僅一江之隔該處地狹人稠別無安插之地擬照延煦等前與朝鮮委員所議於沿江附近地方酌畱三五十里劃清界限儻價格於形勢不能多畱餘地惟有嚴禁准墾民人不准過江一步如有越界滋事者卽由朝鮮查拏解交邊門懲辦見已咨商朝鮮辦理等語游民私自開墾積重難返自應變通辦理以期綏輯地方該將軍等所奏係爲因時制宜起見著禮部行知朝鮮國王將商議各節迅速咨覆以憑覈辦都興阿等俟朝鮮覆文到日卽照所擬妥慎籌辦毋稍苟且惟勘辦展邊總應以距江稍遠爲界如有游民於近江地方墾種卽當令其移進邊內居住不得稍涉遷就以致漫無限制至鹵廠旺清二門外有應進貢物

地方卽照所議仍著都興阿等詳細查明次第妥辦將此諭知禮部並諭令都興阿額勒和布恩錫知之○諭丁寶楨奏太監在外招搖煽惑一摺據德州知州趙新稟稱七月間有安姓太監乘坐太平船二隻聲勢炫赫自稱奉旨差遣織辦龍衣船上有日形三足烏旗一面船旁有龍鳳旗幟帶有男女多人並有女樂品竹調絲兩岸觀者如堵又稱本月二十一日係該太監生辰中設龍衣男女羅拜該州正在訪拏間船已揚帆南下該撫已飭東昌濟甯各府州飭屬跟蹤追捕等語覽奏深堪詫異該太監擅自遠出並有種種不法情事若不從嚴懲辦何以肅官禁而儆效尤著馬新貽張之萬丁日昌丁寶楨迅速派委幹員於所屬地方將六品藍翎安姓太監嚴密查拏令隨從人等指證確實毋庸審訊卽行就地正法不准任其狡飾如該太監聞風折回直境卽著曾國藩飭

屬一體嚴拏正法儻有疏縱惟該督撫等是問其隨從人等有迹近匪類者並著嚴拏分別懲辦毋庸再行請旨將此由六百里各密諭知之○諭曾壁光奏官軍攻克九阡等處生擒首逆都勻失守分軍進剿各一摺逆匪占踞荔波縣屬之九阡等處經粵軍孔憲隆等進攻以兵力單薄曾壁光復添派盧振剛等會剿將九阡等處逆巢攻克逆首吳邦吉潘新簡均經擒獲剿辦尙爲得手該撫卽督飭將弁認真掃蕩並著蘇鳳文檄飭派出各軍協同攻剿務當乘此聲威將餘匪搜捕淨盡以絕根株張文德因餉項奇絀移兵就糧以致都勻復陷各城將領損折良多朝廷實深廑繫此次軍退城陷實因飢乏所致張文德著免其置議卽著曾壁光督令激勵官軍迅圖規取爲克復都勻之計一面飭令何雄輝等由貴定等處分路防剿毋令匪蹤蔓延將此由六百里各諭令知之

○予陣亡總兵官王松林等祭葬世職○甲辰諭軍機大臣等榮全奏界務辦竣俄國實無侵越並議償俄人被擄錢數暨請飭接濟索倫人眾各摺片俄人立界事宜久未定議茲據該大臣奏稱此次與俄官會議分立地界將中原新立牌博八處俱用清字註明細閱紅綫兩國圖形相符與從前原圖紅綫均屬相合其唐努烏梁海蒙官等眾皆結稱俄國實無絲毫侵越該大臣經理此事實屬不負委任見在烏屬邊界業經立畢榮全已馳赴索果克卡倫著奎昌迅將俄國印押圖記如期送到其善後各務著榮全於回抵烏城後會同福濟等悉心酌度次第辦理科城界務是奎昌專責此時正可乘機利導該大臣當趕緊籌辦毋稍稽延俄國商民被擄錢數既據奏稱以夷鈔二十四萬分三年補償完案合之中原銀數約共需銀十一萬數千有零惟此項銀兩將來送交怡

補償究從何處籌給仍著該大臣於酌定後詳細奏明索倫人眾見已移入境內自應妥爲拊循著文碩錫綸迅卽籌款量加接濟俾免流離失所如該處存項不敷卽著文碩等咨明福濟等於烏里雅蘇台庫存銀兩內酌量撥給以資應用至此次分界設立牌博後該城大臣等務當派委妥員隨時嚴查○丙午諭軍機大臣等蘇鳳文馮子材奏官軍克復高平夷省並剿辦黔苗獲勝各摺片越南木馬地方爲高平夷省要鎮該處土匪勾引逆首吳亞終分踞木馬高平意欲併力死守經馮子材派令總兵謝繼貴等督帶兵勇分路進攻四月二十三日以後官軍節節追剿先後將馬腹隘等處賊壘平毀殺斃賊匪多名克復高平夷省照錄該國王咨文及太原宣光輿圖呈覽並懇賞還夷地所有高平地方自應仍歸越南管理著蘇鳳文等知照該國王卽行撥兵防守並

立圖補償究從何處籌給仍著該大臣於酌定後詳細奏明索倫人眾見已移入境內自應妥爲拊循著文碩錫綸迅卽籌款量加接濟俾免流離失所如該處存項不敷卽著文碩等咨明福濟等於烏里雅蘇台庫存銀兩內酌量撥給以資應用至此次分界設立牌博後該城大臣等務當派委妥員隨時嚴查○丙午諭軍機大臣等蘇鳳文馮子材奏官軍克復高平夷省並勦辦黔苗獲勝各摺片越南木馬地方爲高平夷省要鎮該處土匪勾引逆首吳亞終分踞木馬高平意欲併力死守經馮子材派令總兵謝繼貴等督帶兵勇分路進攻四月二十三日以後官軍節節追勦先後將馬腹隘等處賊壘平毀殺斃賊匪多名克復高平夷省照錄該國王咨文及太原宣光輿圖呈覽並懇賞還夷地所有高平地方自應仍歸越南管理著蘇鳳文等知照該國王卽行撥兵防守並

派員辦理善後事宜蘇鳳文等當督飭各軍滾營前進務將逆首吳亞終擒獲埽除餘黨以絕根株至各軍深入糧運維艱著卽派員設法採辦源源接濟一面仍嚴飭將弁約束兵勇不准絲毫擾累夷疆是爲至要至清江苗匪先後竄擾懷遠永從等邑古州苗匪亦時出肆掠李七一股出沒於獨山交界之區與九阡逸匪勾結雖經官軍擊退而搜捕不可稍鬆蘇鳳文已飭潘其泰孔憲隆等督兵分路防剿並令何元鳳帶勇馳赴羅城截擊以固柳郡門戶卽著督令該副將等認真剿辦毋使蔓延將此由五百里各諭令知之○丁未諭內閣穆圖善奏辦理安插南八營回眾著有成效一摺前因穆圖善奏甘肅靜甯州回目李得倉率眾投誠當經諭令妥爲安插茲據奏稱派令道員張瑞珍等前往查辦李得倉造冊呈報南八營大小男婦五萬餘人除被脅漢民分別遣散外

其回眾三萬餘人均安插於張家川等處年餘以來安分務農極爲馴順去冬陝回竄擾南路該回眾等並能聯絡漢民協同守禦實能改過自新深明大義殊屬可嘉署鞏秦階道張瑞珍辦理此事始終妥協著交軍機處存記候旨錄用並賞加布政使銜回目李得倉約束部眾真心歸正著賞戴四品花翎以昭激勸至該回眾等既經反正卽與良民無異著左宗棠穆圖善飭令該地方官妥爲撫綏盡心化導俾得力田敦睦勉爲善良並仍責令李得倉隨時鈴束各安生業毋任稍滋事端此外甘省回眾果有悔罪輸誠真心向化者朝廷卽當貸其前罪予以自新儻或辦理不善敷衍目前致日後仍煩兵力亦惟該督等是問此旨著左宗棠穆圖善刊刻謄黃徧行曉諭用示朝廷覆幬無私咸與維新至意○諭軍機大臣等劉嶽昭奏滇省尙未解圍擬俟昭通等處漢回構釁

辦有端倪卽行赴省會勦等語雲南省城圍尙未解雖經劉嶽昭飭令總兵李家福等率兵赴省與岑毓英等會籌攻勦而附城賊壘負固如常官軍見紮南門之大梵宮等處擬將該逆糧路截斷以期會攻江右館一帶巨巢卽著岑毓英會商馬如龍督飭各軍迅圖掃蕩惟賊壘尙眾兵力甚單劉嶽昭若俟昭通等處布置就緒方行進援未免緩不濟事著一面飭令唐友耕等將漢回各事妥爲籌辦一面卽帶張松林劉奇義等營馳援省城會合夾攻盡殲醜類不得稍涉遲回致誤大局派出之提督胡志祺等四營並著催令迅速前進毋稍玩誤將此由六百里各諭令知之○諭戶部奏遵催西征協餉一摺江浙等省協濟左宗棠等餉項總計八百十餘萬兩前經戶部奏催僅據湖北續解銀八萬兩浙江續解銀二十萬兩江西續解銀六萬兩江蘇續解銀四萬兩廣東續解

銀十二萬兩安徽續解銀二萬兩山西續解銀二萬兩零山東續解銀二萬四千兩粵海關續解銀二萬兩覈之各該省應解數目大相懸殊此外各該省關並未據報續解陝甘需餉孔亟豈容如此玩延著李鴻章文煜馬新貽英桂瑞麟李瀚章劉坤一丁日昌卞寶第李福泰郭柏蔭英翰劉岷李宗義丁寶楨李鶴年崇禮按照該部此次單開數目趕緊籌解毋得藉詞推諉以濟要需如有仍前玩誤及欠解最多者並著左宗棠查明將該省之藩司等指名嚴參見在東南收靖江南浙江湖北山東等省所畱勇丁尙屬不少應如何酌量裁減將節省餉需協濟西征之處著李鴻章馬新貽丁日昌郭柏蔭李瀚章英翰丁寶楨寶心籌畫俾裕餉源其山西河南安徽山東江南等省原協張曜宋慶郭寶昌潘鼎新等餉項軍火無論各該營有無裁汰均著各該省隨時報解毋稍短

欠另片奏遵議穆圖善軍需數目等語各省協撥之款每年專解甘省及秦州銀一百二十萬兩著照部議仍由穆圖善收支隨時派員迎提其各省協撥西征之餉仍著左宗棠遵照前旨統收分撥以免紛更穆圖善所請添撥釐金劃半歸甘之處著毋庸議至四川山西協甘米價該將軍務飭司道等詳查已收未收各若干覈實報部所有甘營馬步兵勇細數及受協各款仍著該將軍詳晰開報並懷遵前旨將布置裁併之處查明左宗棠辦理原單均著鈔給閱看將此由五百里諭知左宗棠李鴻章文煜穆圖善馬新貽英桂瑞麟李瀚章劉坤一丁日昌卞寶第李福泰郭柏蔭英翰劉岷李宗羲丁寶楨李鶴年並傳諭崇禮知之○己酉飭河南撥銀一萬四千餘兩充吉林冬圍經費○庚戌諭內閣本月初三日丁寶楨奏據德州知州趙新稟稱有安姓太監乘坐大船捏稱

欽差織辦龍衣船旁插有龍鳳旗幟攜帶男女多人沿途招搖煽惑居民驚駭等情當經諭令直隸山東江蘇各督撫派員查拏卽行正法茲據丁寶楨奏已於泰安縣地方將該犯安得海拏獲遵旨正法其隨從人等本日已諭令丁寶楨分別嚴行懲辦我朝

家法相承整飭宦寺有犯必懲綱紀至嚴每遇有在外招搖生事者無不立治其罪乃該太監安得海竟敢如此膽大妄爲種種不法實屬罪有應得經此次嚴懲後各太監自當益知儆懼仍著總管內務府大臣嚴飭總管太監等嗣後務將所管太監嚴加約束俾各勤慎當差如有不安本分出外滋事者除將本犯照例治罪外定將該管太監一併懲辦並通諭直省各督撫嚴飭所屬遇有太監冒稱奉差等事無論已未犯法立即鎖拏奏明懲治毋稍寬縱○諭軍機大臣等丁寶楨奏拏獲招搖煽惑之太監遵旨正法

並分別查辦隨從人等一摺已明降諭旨宣示矣安得海既經正法其隨從之陳玉祥李平安二名亦係太監均著卽行絞決此外尙有太監幾人著丁寶楨於訊明後一併絞決以儆效尤其餘隨從人等迹近匪類者卽懷遵前旨分別懲辦至黃石魁一名係何人役摺內所稱前站官究係何官抑係冒充並著訊明辦理安得海衣物等項毋庸存儲藩庫卽由該撫派員解交內務府查收將此由六百里諭令知之○壬子諭軍機大臣等定安桂成奏馬隊官兵剿除河西股匪淨盡一摺回匪馬輪由邊內竄擾杭錦旗屬沙拉召地方經達爾濟等督飭所部左右鈔擊賊匪敗逃官軍直前追殺斃匪甚多投河淹斃者無數據獲賊供馬輪已於軍前殲斃竄撲中灘河干之馬步回匪亦經察哈爾馬隊連番追剿斬除淨盡所有達爾濟等所部出力官兵著准其擇尤彙案奏保惟沿

邊一帶時屆秋成河西鄂爾多斯七旗地面又極遼闊該逆等盤踞甯靈難保不分股出邊復圖擄掠仍著該將軍等咨會杜嘎爾嚴飭達爾濟等聯絡張曜宋慶各軍確探賊蹤節節追剿一面分飭沿河各隊加意嚴防毋稍疏懈金順何以久無奏報見在行抵何處曾否遇賊接仗著卽懷遵靈次諭旨會同張曜等軍相機兜剿迅掃逆氛並將賊勢軍情隨時據實具奏將此由五百里各諭令知之○浙江杭嘉湖各屬水災諭李瀚章加意撫恤○癸丑諭軍機大臣等豐紳謙禧奏陝匪近城滋擾請飭金順赴甯會剿一摺據稱陝匪自中衛平羅等處竄至甯夏滿漢兩城外屯紮六月初一日馬賊在府城西門外搶擄副將方大順追至蘇家燒房地方將賊擊敗忽有馬賊從平羅大路前來該副將衝入賊隊中槍陣亡見在賊勢鴟張請飭金順迅速來甯等語前因陝匪竄入甯

境諭令金順會合張曜等帶隊馳援刻下定遠營業已解圍張曜督軍追勦距甯夏僅八十里豐紳等所奏賊情係在張曜獲勝以前所有該處近日情形已否鬆緩著該將軍等查明馳奏並著定安催令張曜統率所部乘勝跟追毋任該逆得以喘息金順如何兼顧卽著懍遵疊次諭旨會合張曜各軍相機夾擊以靖甯境豐紳等於諸軍未到之時如賊勢仍前肆擾著卽督率官兵營勇將兩城防守事宜妥爲布置加意嚴防不可稍涉大意將此由五百里各諭令知之○予甘肅陣亡副將方大順等祭葬世職○甲寅諭軍機大臣等岑毓英奏官軍疊破附省賊壘並各路勦匪獲勝情形一摺省外李家地老鴉營等處賊壘疊經岑毓英督軍攻克劉嶽昭所派李家福等亦已進攻大梵宮等處賊巢見在兵力較厚著岑毓英迅督各軍將江右館一帶踞賊力圖掃蕩南路得手

則西北兩面自可迎刃而解其祿豐安甯易門昆陽等處賊匪亦
經各軍分投攻擊擒斬頗多剿辦甚爲得手附省之賊糧斷援絕
勢已窮蹙該督撫等務當乘此聲威激勵將士奮勉圖功毋稍鬆
勁並著劉嶽昭仍遵前旨卽帶張松林等軍馳赴省城會同岑毓
英妥籌布置併力攻剿以期迅速逆氛將此由五百里各諭令知
之○雲南巡撫岑毓英奏密陳滇省軍務並請俟省圍解後陛見
得旨該撫惟當以大局爲重開誠布公和衷共濟會同督臣提臣
將近城各賊壘以次掃蕩迅奏膚功毋得各存意見所請俟省圍
解後來京陛見之處著毋庸議○乙卯諭軍機大臣等李宗義奏
官軍追剿回逆獲勝一摺回逆於本月初二日竄擾郡王旗之那
把害廟地方經提督蔣東才等督軍迎擊該逆聞風西竄我軍追
殺百餘里復出小隊誘賊前後夾擊斃賊不少該逆悉向西北敗

竄訊據賊供逆首白禿子見已陣斃初六日蔣東才移紮哈拉寨探得準噶爾旗境內亦有賊蹤著定安桂成飭令宋慶迅催蔣東才等乘勝越剿務將準噶爾旗境內賊匪悉數殲除毋畱餘孽至清托河保等處與該旗境僅隔一河並著定安桂成李宗義督飭在防官兵嚴密防範不可稍有疏虞將此由四百里各諭令知之○調志和爲刑部左侍郎桂清爲禮部右侍郎以廣壽爲理藩院右侍郎由內閣學士遷○丁巳諭軍機大臣等總理各國事務衙門奏民教仇殺案件請旨飭催早結一摺西陽州團民殺斃教民教民殺斃團民一案疊經該衙門咨催崇實等秉公訊結惟據法國使臣羅淑亞等文稱所殺教民數內有教士李國一名係屬該國之人崇實等前文咨送冊內首開李國安姓名是否卽教士李國及李國安是否洋人之處均未聲敘明晰而該使臣等屢以教士被殺

並不緝兇究辦等語向該衙門爭論案關殺斃多命按之中國律例亦應查覈人數及早訊辦何得將此案任意拖延李鴻章計已抵川著卽會同崇實吳棠嚴飭該地方官將殺死李教士一案查拏真正兇手按律審辦毋得漏網並著將民教互殺人數秉公查訊及早擬結李國安是否卽係李國亦當確查聲覆不可稍涉含糊其覃教士率匪殺斃平民多命之案李鴻章等亦卽悉心籌辦務期毋枉毋縱以弭爭端將此由五百里各諭令知之○戊午左宗棠奏竊兵事有一定之規模有自然之次第其先後緩急之節則必審賊勢軍情應之臣自進駐涇州以來熟察甘肅全局北自花馬池而南少西爲靈州池南少東爲環縣又東南爲慶陽爲甯州正甯折而西南爲涇州爲靈臺迤而西包陝西汧陽隴州北境隴山而西爲清水又西爲秦州清水之南爲兩當與徽縣成縣東

連陝境南界蜀境而甘肅東路自北而南之路始盡以地理家飛鳥之數計之不過一千三百餘里以人行之數計之則幾二千餘里此甘肅自北而南之地勢也由花馬池而西少北爲甯夏又北爲平羅由甯夏而西南爲中衛又西爲古浪古浪西北爲涼州涼州北爲鎮番西北爲永昌山丹又西北爲甘州高臺肅州迤西而南則嘉峪關矣此爲甘肅之北路由慶陽而西爲鎮原爲固原州由涇州而西爲崇信西北爲平涼府又西爲隆德爲靜甯州又西爲會甯爲安定又西北達蘭州蘭州之西北爲碾伯縣爲西甯府此爲甘肅之中路由秦州而西爲伏羌甯遠西北爲鞏昌府又西北爲渭源又西北爲狄道州二百三十里達蘭州秦州南爲徽成東爲濟水東南爲兩當西南爲西和禮縣又南爲階州鞏昌之西南爲岷州洮州及各土司地此爲甘肅之南路以見在賊勢言之

陝甘逆回萃於甯夏所屬平羅靈州中衛一帶其東竄纏金之賊經張曜擊之沙金托海磴口速解阿拉善定遠重圍窮追至廣宗寺復進賀蘭山距甯夏不遠宋慶又擊退鄂爾多斯及五勝札薩等旗之賊據張曜報金順等馬步各營又已行近磴口似邊外漸可肅清劉松山全軍七月十二日已由清澗馳抵鎮靖堡將糧運後路節節布置攜十二日之糧向花馬池前進計此時已抵花馬池進剿甯靈之賊北路兵力已厚似邊外亦可肅清南路秦州一帶河州竄回自李輝武吳士邁兩軍擊敗後六月十九日又經甘軍記名提督梅開泰擊之伏羌縣北六十里馬家峴擒斬頗多餘賊全遁歸巢蘭州運道漸已疏通穆圖善前此停運之餉均已悉數提去昨接藩司崇保來函每月官商搭幫往來駄騾或五六百或七八百甚有轉機河州踞逆近無大股出竄穆圖善所派記名

提督涼州鎮總兵傅先宗總統喻正祥敖天印彭忠國之二十四營臣飭其分駐徽縣榆樹壩高橋李子園娘娘壩皂角鋪以護完善之區通餉運之道俾吳士邁李耀南湯聘珍得隨時往來雕勦以速戎機似南路亦漸有肅清之望其中路平涼府屬固原以北陝回之畸零小戶多有赴營求撫者臣飭各地方官指荒絕地畝隨時安插馬朝清續稟陝回有急於就撫者有頑梗如故者臣仍以分別勦撫之意示之一面調道員魏光燾進駐慶陽提督劉端冕進合水以防環縣竄出之賊總兵張福齊進駐董志原之蕭金鎮分駐屯子鎮西峯鎮提督丁賢發由鎮甯進駐鎮原之驛馬關以遏甯靈橫溢之賊一面調陝西提督雷正綰由平涼進駐固原之古城川提督周蘭亭由蕭金鎮進駐瓦亭以扼南北之衝惟中路平涼一府古稱雄鎮自回逆肇衅以來府城三次失陷官軍頻

年未遑勦辦守令多寄居村堡力不能制土匪甚且藉土匪自固假以義旅之名任其蠶食村堡茹柔吐剛不辨良匪有鹽茶廳民張貴卽剛八者因忿其兄剛五枉殺之事糾聚黨夥迫脅良民竊踞靜甯州莊浪縣丞轄境威戎鎮水洛城等堡攻破靜莊兩屬民堡五十餘處其黨侯得應攻破會甯通渭縣黃家窯各堡十七處又攻破會甯縣東北鄉民堡四處秦安縣民堡被攻破者未知其數聚眾至二十八營仿官軍營制旗幟器械居然齊整與鎮原匪首孫百萬遙相勾結拷掠之慘甚於逆回爲平涼秦州一大患臣前以驛馬關有賊騎突至檄黃鼎派隊勦之路過鎮原縣時出不意擒孫百萬解營代理鎮原知縣廖溥明亦獲其弟孫百智解審臣親提孫百萬孫百智訊明攻破寨堡百餘殺人不計數當卽斬決傳首犯事地方示眾以伸國法而快人心張貴聞知與其黨謀

變益急臣前次欽奉寄諭都察院奏工部員外郎王夢熊遣抱以賊圍緊急等詞赴該衙門呈訴左宗棠度師入隴著卽查明該處如有賊匪竄擾卽行派兵勦洗以靖地方原呈著鈔給閱看欽此臣欽奉之下詳察張貴罪狀尙有王夢熊所未及者此賊不除各屬殘黎難堪毒害且所擾之靜莊會甯各境本蘭州中大道秦安又蘭州南北孔道均未容稍有梗阻其地居甘甯南北之中甯靈之回與河狄之回往來句結不由靜莊卽出秦安將欲南北分馳掃除餘孽而土匪從中作梗餉道堪虞若待駐軍防勦徒分兵力臣先調黃鼎率所部八成隊伍由崆峒化平川徑擣莊浪所轄威戎鎮賊巢調總兵簡敬臨由靈臺出崇信經馬頰口以擣水洛城賊巢調駐秦州之員外郎銜中書吳士邁道員李耀南湯聘珍等撥所部進秦安清水會剿防賊南竄並搜勦踞秦安神峪河另股

回逆如能迅速蒞事則蘭州東西一律肅清省垣僅防河州之賊無須重兵其黃鼎仍回軍平涼進固原會同雷正綰進勦甯靈一帶回逆秦州之軍進勦河狄逆回而甘肅大局可期復振此

微臣

度隴規畫調度由東而西之大略也穆圖善前催臣進涇州接篆奉有諭旨昨復欽奉諭旨飭臣進紮秦州接篆比准穆圖善緘咨又已具摺請旨竊維臣由關度隴必由中路本一定之局以形勢言之北可聯絡甯靈慶固南可聯絡鞏秦東可屏蔽秦川西可直達皋蘭也以兵事言之北路劉松山定邊花馬池之軍距涇州雖僅數百里然兵燹之後郵傳不通文報往來必須從延安繞遞已非兼旬不能達臣接劉松山緘牘又須酌量調度行知北路中路諸軍展轉迂回已虞貽誤若再移駐秦州則山谷間隔往返更多千有餘里尤覺聲息難通况當勦撫兼施之際隨宜因應事變未

可豫知臣駐軍適中之地尙可就近酌量相機應之若移駐秦州偏於南路不但北路阻隔卽中路亦運掉不靈似於大局所關非小且隴中頻年軍事之誤由於置平慶涇一道不顧專就秦安一綫餉道爲苟安之計致匪回縱橫生民荼毒如此夫豈不曰餉絀時艱宜緩匪而急回也又豈不曰宜先固根本通運道暫支危局也而其效已可觀臣若舍涇州而進秦州局勢何以異此人之議臣者必且謂知有穆圖善而不知有國事知有蘭州而不知有陝甘臣雖百喙何能辭咎此臣所爲反復籌維罔知攸措者也且以地里遠近言之由涇州至蘭州一千零二十里由涇州繞秦州至蘭州一千一百六十里本無庸舍近而道遠而以賊勢言之秦州無賊靜甯莊浪有賊臣未可避勞而就逸如果北路事機順利臣當由涇州大道進平涼以赴蘭州縱或蘭州有急臣檄南路秦州

各營爲迎勦之師檄中路平涼各營爲橫擊之師似亦易有把握
是否如斯之處伏候訓示至督篆交卸遲速之宜一聽穆圖善酌
置陳奏要之甘肅兵事臣斷不敢居功如有疏失亦斷不以未接
督篆諉過穆圖善 上諭軍機大臣等甘省北路兵力已厚漸可
肅清南路河州踞逆近無大股出竄蘭州運道漸已疏通惟土匪
張貴盤踞靜甯州屬威戎鎮等處聚眾甚多分擾靜莊會甯各境
此賊不除爲平涼秦州一大患左宗棠見調黃鼎簡敬臨等分擣
威戎鎮水洛城賊巢著卽飭令迅速攻勦務將此股剋期殲滅毋
稍遷延其秦安神峪河另股回逆並著嚴飭吳士邁等實力按勦
俾中路早日廓清庶兵力不至爲其牽掣陝甘逆回萃於平羅靈
州中衛一帶劉松山已抵花馬池著左宗棠飭令該提督剋日進
兵並遵前旨檄飭郭寶昌軍合力進勦節埽蕩毋任日久蔓延

邊外之賊雖經張曜等疊次擊敗而此時大兵進逼甯靈恐該逆以邊外爲逋逃藪據該督奏稱金順等馬步各營已行近磴口著金順聯絡張曜等軍勤加偵探遇有賊蹤務須實力堵剿杜其向東北奔竄之路並著該副都統將北路賊勢軍情隨時據實具奏甯夏防兵甚單如遇有警並著金順相機援應前因穆圖善奏稱南路軍情緊要諭令左宗棠酌量移紮秦州茲據左宗棠奏稱涇州爲適中之地可以兼顧南北卽著暫時駐紮該處妥籌調度穆圖善卽將總督關防迅速派員齎交左宗棠接受毋庸再行請旨該大臣接篆後蘭州省垣防務應交何人接辦或左宗棠卽赴省城駐紮以便居中調度之處卽著酌度辦理儻有疏虞仍惟該大臣是問將此由六百里各諭令知之○諭錫綸奏厄魯特人眾不能順聽分安設法辦理情形布倫托海賊首自投各一摺厄魯特

人眾附近科城者僉欲赴杜爾伯特安插不願赴喀爾喀並有喇
嘛奈愷等七人聚集五百餘眾搶掠扎哈沁烏梁海等部落經錫
綸招致奈愷等派爲頭目收集流亡見在已得一千餘名分赴杜
爾伯特安插其散往各處之人分安喀爾喀眾情既有不願而杜
爾伯特一處又不能安置五千餘人之多應如何設法安插消患
未萌之處著福濟文碩錫綸統籌全局妥爲辦理棍噶扎勒參勦
辦變民獲勝賊首張敖親投到營張懋亦爲眾所縛獻一併解送
至科經錫綸訊明正法其餘脅從人眾雖經收撫仍著福濟文碩
錫綸會同棍噶扎勒參妥籌安置毋令該人眾失所致滋事端將
此由六百里各諭令知之○己未諭軍機大臣等定安桂成奏官
軍截勦竄匪連獲大勝一摺據稱提督蔣東才勦賊情形與李宗
義前奏大略相同見在達爾濟一軍勦辦達拉特旗竄匪在佈噶

魯召地方大獲勝仗悉將賊匪殲滅並將郡王旗境另股回匪剿除僅由西村竄出馬賊二三十騎往西逃竄準噶爾達拉特郡王等旗已無賊蹤惟屢據獲賊供稱甯靈一帶踞匪屢欲分股出邊掠食鄂爾多斯七旗沿邊地方亟應嚴密防範著定安桂成咨催杜嘎爾飭令達爾濟等將竄出邊外賊匪悉數殲除與宋慶各軍聯絡聲勢確探賊蹤節節進剿並飭各隊嚴防沿邊要隘不得稍有疏虞金順一軍昨據左宗棠奏稱行近磴口見在究抵何處日久未見奏報著查明具奏並催令該副都統懷遵疊次諭旨會合張曜等軍迅速前進將邊外竄匪合力掃蕩不得稍有遲誤將此由五百里各諭令知之○庚申諭軍機大臣等都興阿等奏賊匪聚眾滋擾截阻廳官見派官兵剿捕一摺匪首叢俊茂趙日先等率領土匪由大東溝進邊在北井子向各鋪商逼索錢文卽奔赴

鳳界龍王廟地方滋擾並將岫巖廳通判截留廟上實屬藐法已極奉天地方近年盜風稍息乃此股賊匪膽敢聚眾滋擾截留廳官若不亟予剿除何以安善良而戢奸宄都興阿等見已派毓昌等督兵會剿著卽嚴催各該員確探賊蹤迅速撲滅將匪首悉數擒拏不准稍涉稽遲致滋延蔓並一面札飭叢登甲馳赴孤山嚴爲防範該處山路紛歧見當木簪偷運之時尤恐有奸匪從中煽惑該將軍等務令色楞額詳察情形妥爲布置以便合力剿捕綏靖地方將此由四百里各諭令知之○湖南安鄉等縣水災諭劉崐撫恤○辛酉諭軍機大臣等金順奏馳抵纏金剋日西進及河東協餉請免勻扣並飭速撥欠餉各摺片近日邊外竄匪疊經張曜等截剿已無賊蹤前圍定遠營股匪亦經提督楊春祥等擊退至由石觜子山迤南至甯夏中衛境內大股陝回屯踞猖獗異常

金順馳抵纏金擬卽會合張曜烏爾圖那遜之師徑由石觜子山
節勦而南直赴平羅所籌尙合機宜惟查該副都統七月二十四
日馳抵纏金至本月初十日始擬拔隊西進雖因籌運軍糧而頓
兵已半月之久著卽懷遵疊次諭旨會合張曜各軍迅掃逆氛毋
再遷延不進並著定安飭令張曜等乘勝進兵以期一鼓殲除甯
夏軍餉專恃河東鹽課接濟自左宗棠提撥後驟少八萬兩金順
慮續有提撥如前勻扣該軍餉糈奇絀亦是實情著戶部嗣後如
有提撥河東鹽課免於甯夏指撥十八萬兩內勻扣以清款目至
河東道欠解甯夏丁卯戊辰兩綱協餉共九萬二千兩並已已綱
應解十八萬兩著李宗義嚴飭該道趕緊分批撥解源源接濟毋
誤要需將此由六百里各諭令知之○諭崇實吳棠奏援黔官軍
疊勝陣斬苗酋見籌進取一摺黔省下游自楚軍黃飄失利後苗

酋張老熊等糾集各股苗匪窺撲牛場壘安經唐炯檄飭副將向
長曙等軍分路進剿將該匪金幹幹等擊敗陣斬逆酋多民張老
熊仍率黨由翁巴而來官軍突起卽將該逆槍斃餘賊由羅切五
里橋等處回巢復爲伏兵要殺其出撲重安之賊見已退至河外
擦耳崖王家牌等處苗匪亦經官軍先後擊退此次川軍進剿黔
苗屢殲賊首實足以壯聲援惟黔境下游處處皆賊非各路官軍
合力剿辦不能痛掃逆氛崇實等仍當飭令唐炯穩固後路一面
檄催總兵李有恆迅率所部前往會擊劉崐亦當分飭席寶田等
軍探蹤前進與川黔各軍聯絡聲勢乘勝規取並著曾璧光統籌
全局調撥黔中將士分投兜剿不得專藉客援坐失機會崇實等
另片奏昭通文武稟畱提督唐友耕等語昭通爲迤東門戶關繫
緊要前諭劉嶽昭飭令唐友耕將漢回各事妥辦卽帶張文林等

馳援省城茲據稱該處回匪招聚抗拒官軍各情是唐友耕一軍勢難剋期前進惟滇省城圍未解岑毓英等待援甚切若將該軍專守昭通則於省事無濟此時或畱唐友耕勦辦昭通回匪或分軍往解省圍之處均著劉嶽昭熟審情形從長辦理岑毓英於諸軍未到之前仍著懍遵前旨會同馬如龍督軍防勦毋稍疏虞將此由六百里各諭令知之○諭伊勒屯奏偵探西路賊情見籌防範一摺據稱烏垣踞逆自上年擊退後本年五月間吐魯番踞逆約有數千竄紮穆壘河該逆復潛出駐紮奇台所屬馬廠窩子地方經軍功鄧生玉帶領民勇力擊獲勝等語烏城等處逆匪時思竄擾巴城防務極關緊要著伊勒屯何瑄督飭官兵兵勇嚴密防堵毋得稍有疏虞至所稱文麟派員協同肅州委員赴烏招撫並著速行知照文麟等嚴飭各該委員斟酌情形妥爲辦理毋爲該

逆所給將此由五百里諭知伊勒屯並傳諭何瑄知之○諭棍噶
扎勒參奏招撫難民會商安置及克復布倫托海報解首犯請將
出力弁兵酌保並土爾扈特親王等出力捐輸分別請獎各摺片
布倫托海變民經該呼圖克圖帶兵收復尙屬出力其隨征弁兵
著錫綸會同查覈酌請獎敘以示鼓勵該處賊首張敖張譽業經
錫綸訊明正法其脅從人眾並被難各民應如何籌給口食妥爲
收撫之處見在棍噶扎勒參前赴烏科卽著福濟錦丕勒多爾濟
奎昌明瑤文碩錫綸會同籌商毋令稍有失所致生事端土爾扈
特親王等於棍噶扎勒參帶兵進剿時捐輸馬匹羊隻以濟要需
並各帶隊隨同進剿洵屬好義急公自應酌給獎勵惟該呼圖克
圖所請獎敘未免過優著福濟文碩錫綸再行查明奏獎以昭覈
實棍噶扎勒參另片奏科布多主事阿柯敦布講求時務深有遠

見熟諳情形通曉蒙語可否飭令幫同錫綸辦理一切等語布倫
托海地方甫經安定辦事需人如果阿柯敦布才具可用卽著文
碩錫綸就近訪查酌量差遣不得稍存遷就之見致有貽誤將此
由六百里各諭令知之○癸亥諭內閣李宗義奏遵查藩司未能
勝任一摺山西布政使胡大任飲酒自娛遇事健忘廢弛因循實
不勝藩司之任胡大任著卽休致○諭軍機大臣等文麟奏西路
賊情並遵鈔前給烏城逆首諭帖呈覽一摺該大臣所給逆首安
得璘諭帖措詞尙爲妥協惟迄今兩月有餘該逆首曾否與各回
目會商定局未見回信亦未見委員烏仁泰等稟覆是否安得璘
從中挾制使逆回不敢投誠殊爲可疑近日該逆又有與鄧生玉
等尋釁之說該大臣以回逆詭譎異常已調前雷敦煌防軍來哈
協防一面密爲偵探一面嚴加防範此中操縱機宜在該大臣

隨時妥籌不可稍涉大意景廉既據安敦玉等處紳民稟畱著准其暫緩赴任將安西等處力籌保衛並將哈密後路妥爲料理卽行西進昨據伊勒屯奏烏垣等處踞逆不時騷擾成祿疊經諭令出關見右行抵何處查無奏報直將厯降諭旨視若弁髦豈以派一委員赴烏招撫遂可了事耶著該提督迅速出關相機勦辦一面以起程日期具奏如再遷延自問當得何罪將此由六百里各諭令知之○石贊清以病免以閻敬銘爲工部右侍郎前山東巡撫○調何璟爲山西布政使以張建基爲湖北布政使由按察使遷○乙丑諭軍機大臣等前據御史徐景軾奏請飭挑濬運河並籌辦河運各情當經降旨交該部議奏茲據戶部奏酌擬三條請飭覈議詳加披覽如導河南行應如何將蘭儀以東故道設法疏濬汶河之分水口移於南旺之北泗水口開於南旺之南築戴村壩以遏汶

水復於臨清以南引衛入運是否可行著馬新貽張之萬蘇廷魁
李鶴年丁寶楨派員相度會議具奏至江浙軍船久已無存卽豫
東軍船亦多殘缺應如何借用民船抑或酌量分造著各該督撫
等一併籌議其河運經費亦當豫爲籌計不得另動正款並著馬
新貽丁日昌李瀚章李鶴年妥爲籌議具奏戶部摺均著鈔給閱
看將此各諭令知之○諭都興阿奏拏獲著名要犯請將出力之
蒙古官兵獎勵並勦捕鳳屬賊匪獲勝額勒和布等奏賊匪滋擾
見已聞拏逃逸各一摺逸犯程廣學前因官兵捕拏就勢遠颺茲
經台吉諾林不勒追至康家屯村西將該犯拏獲並其妻屬子女
及窩主高姓等解送到案當於訊明後正法餘均經該將軍分別
辦理所有出力之蒙古官兵著准其擇尤奏保在逃之宋英一犯
仍著都興阿札飭各該地方官嚴拏究辦毋任漏網鳳屬龍王廟

賊匪在北井子一帶滋擾並刀傷通判英斌復由西山頭大路直撲官軍經防禦懷謙等帶兵迎剿生擒張才等多名該匪向西南分竄其由邊外大東溝竄來賊匪見復進邊窺伺奉天鳳凰地方向多伏莽此次官兵會剿雖將龍王廟匪股擊散而匪首叢俊茂趙日先等尙未就擒難保不糾合餘黨乘機肆擾都興阿等務當懷遵前旨嚴飭毓昌等督兵合擊並會同額勒和布恩錫分飭附近一帶地方官派兵堵截將各股匪犯殲除淨盡以靖地方將此由四百里各諭令知之○諭劉峴奏彙報楚軍援黔剿辦情形一摺貴州台拱之賊出竄黎平經提督龔繼昌攻破冰廖二洞賊寨道員李光燦等又將分擾寨蒿等處賊匪擊退至鎮遠施秉各城新復劉峴責成提督彭芝亮道員鄧善燮等駐守附近施城之黑石蚊子坡等處各寨之賊均經彭芝亮等截剿大獲勝仗六七兩

月以來楚軍聲威頗振劉峴見籌轉運接濟兵糧已足際此秋深瘴退正可乘勝進兵著劉峴飛飭席寶田於假滿後趕緊赴營督勦毋誤戎機苗徑叢雜楚軍深入後路必有嚴防湖南兵力尙單著崇實吳棠迅催駐紮重安江清平牛場等處各軍星速進勦曾璧光務當竭力策應川黔兩省軍自上游接勦而下楚師由下游轉賊而上庶可削平逆寨盡掃苗氛將此由五百里各諭令知之

○以劉策先爲湖北按察使

記名按察使

○丙寅諭軍機大臣等穆圖

善奏官軍追勦鹽關等處竄匪並伏羌勦匪獲勝各一摺甘肅南路回匪竄擾西和禮縣鹽關一帶經提督喻正祥等督率兵勇連日追勦斬馘甚多將鹽關禮縣等處竄匪次第殲除城堡均獲保全其竄擾伏羌之匪亦經梅開泰擊勦獲勝辦理尙爲妥速著左宗棠穆圖善飭令喻正祥等軍乘勝追勦將南路零星股匪迅速

掃除毋畱餘孽前據左宗棠奏該大臣駐紮涇州可以兼顧南北
卽著穆圖善懷遵前旨將總督關防派員齎交左宗棠接受該大
臣於接篆後務將甘肅全省情形妥爲籌畫省垣防守尤關緊要
該大臣未到之先應責成何人經理亦著先事豫籌是爲至要將
此由五百里各諭令知之○予貴州陣亡副將楊文行祭葬世職
加等○予甘肅陣亡提督饒得勝等祭葬世職○是月緩徵山東
臨邑等十縣被旱被雹新舊額賦暨雜課有差

九月己巳朔諭軍機大臣等景廉奏馳援安玉賊匪東竄入關並
由安起程赴任一摺肅州收復後零匪時出竄擾安西州屬黑山
橋村外堡突被越進雖經趙壽汝等擊退而布隆吉爾等處時有
賊匪搶掠西甯河州回匪又在赤金堡滋擾由天津衛分股前竄
景廉恐後路有失督隊馳抵安西該匪已東竄入關見在玉門所

屬地方亦無賊蹤該大臣以哈密防務喫緊將靖邊各營交總兵張玉春駐守安西卽日起程赴任惟肅回一日不清則安敦玉三屬亦一日不靖見雖有各軍防守而無地方官約束難免不四出滋擾卽著左宗棠穆圖善分飭該處鎮道及文武各官加意防範毋任時竄出關以維大局其籌辦口糧修理堡寨等事已經景廉札飭張厚慶及各紳董趕辦該督等如可兼顧並著隨時督催俾免疏失景廉刻已抵任所有哈密防剿事宜著卽會同文麟妥籌布置其各路投誠回目見在情形若何亦著懷遵疊次諭旨彼此商辦不可掉以輕心成祿疊經諭令出關乃日久遷延不進不知是何肺肝此時景廉已赴哈垣該提督若再帶兵前往自可倍壯聲威卽著整隊出關會合剿辦並將起程日期迅速具奏如仍畏葸不前國法具在豈能爲該提督稍寬耶將此由六百里各諭令

知之○庚午諭軍機大臣等成祿奏部署出關縷陳管見八條請飭催各路協餉並飭穆圖善籌糧暨派員赴川陝募勇請調甘省人員差委及籌辦哈密勦撫情形各摺片成祿部署出關餉項支絀自係實在情形所請於各省有著可指之款先籌撥銀二三十萬兩俾利師行並請於上海九江及江浙鹽務釐稅項下按月議撥數萬金解交山西藩庫彙解其餘再由四川山西並河東鹽務協濟之處著戶部速議具奏至四川山西陝西湖北河南等省應解成祿月餉並著該部查明迅速咨催以濟要需西路用兵籌糧急於籌餉成祿請將涼州以東之糧仍歸省城提用永昌山丹甘肅州以西之糧歸西路大兵提用著左宗棠穆圖善通盤籌畫如事屬可行即飭該地方官遵照辦理俾兵食不至缺乏成祿營內並無甘省候補大員委辦糧臺呼應難期順手所陳亦係實情著左

宗棠穆圖善酌度機宜於道府大員中揀派一人前往承辦不必拘執前議致有貽誤親王督師出自特簡豈臣下所得妄擬成祿冒昧陳請殊屬荒謬著毋庸議甘省兵多餉絀譚瀆時聞成祿惟當將見存兵勇裁汰冗弱簡練精實豈可續行調募徒糜餉糈所請調別省勁旅並在川陝等處募勇赴營之處著不准行並將裁定兵數迅速具奏聽候諭旨至請調副都統常順前署副都統三壽道員陶斯詠同知陳景謨直隸州知州鐵珊知州李光興知縣張秉恬縣丞汪圻赴營差委能否派往著左宗棠等酌量辦理高臺勇潰成祿統率無方著交部議處至營官石成器所部之勇前據穆圖善奏業派王仁和招集統帶當經諭令妥爲鈐束此次成祿請將營官張賢石成器馬永祿隨地拏獲卽行正法等語著左宗棠穆圖善酌度妥辦將此由六百里各諭令知之○壬申允湖

北撥京餉等銀三十萬兩濟武漢等屬工賑要需○癸酉諭軍機大臣等總理各國事務衙門奏遵義教士被傷殞命請飭查明妥辦一摺貴州遵義縣教士與平民相爭據法國公使則稱遵義縣民打毀經堂學堂醫館搶擄什物其起釁由於勒令跨越十字架跪寫出教甘結以致教士三人收入縣署趙教士被傷殞命梅教士恐亦被殺死而曾璧光函致該衙門則稱教民楊希伯挾嫌起釁眾懷不平將經堂醫館打毀其教士不肯回省遵義縣收入署中其情形與該公使所稱大相徑庭該公使在京曉曉饒舌情甚激切且打毀經堂醫館已授該教士以口實若有勒令跨越十字架等情則是顯背條約更使有所藉口事關中外交涉要件必應持平辦理方能維持大局李鴻章於此中機宜素能洞悉著卽派委通曉時務之員馳赴貴州會同曾璧光迅速查明秉公辦理據

實具奏不得稍有遷延袒護以致別生事端其遵義見在情形並著曾璧光先行查明奏聞以憑辦理原摺均著鈔給閱看將此由六百里各諭令知之○蘇廷魁奏請開墾乾河灘地諭李鶴年丁寶楨會籌以聞○甲戌諭軍機大臣等富明阿奏拏獲逃匪請旨辦理一摺前因奉省逃犯宋英卽宋四閭王久未弋獲當經諭令都興阿等嚴密搜捕茲據富明阿等奏拉林協領德平阿等在楊家窩棚屯拏獲宋塗卽宋英綽號宋四閭王解省審訊該犯所供起聲情由係屬一面之詞均難憑信若再解赴奉省質訊程途遼遠轉恐疏虞著富明阿等卽將該犯就地正法至奉天鳳凰地方竄匪著都興阿懷遵前旨嚴飭派出官兵迅速搜捕毋令滋蔓將此各諭令知之○諭定安等奏降回變亂靈州失守見籌布置並毅軍截剿河西竄匪獲勝各一摺甯靈回眾視馬化澂爲去就今

馬化澁降而復叛靈州又被襲陷則甯郡勢成孤立岌岌可危亟宜力圖保衛著金順督率官兵星速馳赴甯夏會同該處文武員弁妥籌防勦並著左宗棠酌撥勁旅迅赴甯靈一帶合兵勦洗毋肆蔓延本日據神機營王大臣奏接據定安函稱探聞劉松山一軍行抵靈州城北駐紮不分良莠肆行殺戮以致降回疑懼陷城搶糧其竄踞上八堡一帶陝回仍舊往來騷擾昌貴等堡回民亦均變叛有欲先占郡城之謀平羅十八堡回眾亦至昌貴等處駐紮等語劉松山所部兵勇前在綏德曾有譁潰之事此次輕進激變賊眾兵單儻因無食可就復路故轍則北路大局何堪設想著左宗棠速籌餉糈源源撥解以安軍心並著將起釁情形查明具奏不得稍涉回護至陝甘回逆既已合成一氣將來金順等軍深入勦擊尤恐其避實搗虛鉅險北犯沿途隘口自應擇要嚴防定

安等擬令烏爾圖那遜馬隊與張曜各營聯絡聲勢合力截剿宋慶一軍仍紮神木等處神機營等項官兵仍沿黃駐紮嚴密防範並調杜嘎爾扎那格爾第馬隊作爲遊擊之師策應各路所籌均尙周密卽著督令各軍認真剿辦迅殄賊氛至郭寶昌所部一軍屢諭左宗棠酌度情形派往花定一帶與劉松山合軍前進該大臣終未覆奏殊不可解見在靈州失陷花定等處緊要劉松山一軍恐亦未能深恃著左宗棠迅飭郭寶昌軍移紮榆林迤西以厚北路兵力馬化澂陽爲歸順陰縱黨與滋擾居心叵測此次變亂情形究因如何起釁卽著穆圖善查明據實具奏將此由六百里諭令知之○諭崇實吳棠奏果後後軍勇丁潰散見籌遣散等語劉嶽曙所部勇丁因派赴雲南省垣會剿輒藉欠項爲名逃走八百餘人見已行抵威甯州城外駐紮此次勇丁潰散該營官等有

無激變情事著崇實吳棠嚴查懲辦勇丁不服調度竟敢相率潰
逃此風斷不可長著卽飭令劉嶽曙查拏起意首犯從嚴懲治其
餘勇丁卽行設法遣散毋任別滋事端該將軍等以此軍人數漸
單難以獨當一面仍畱滇境徒糜餉項見已酌撥銀兩一律資遣
回籍著卽妥爲辦理道員劉嶽曙於所部勇丁不能約束咎無可
辭著先行摘去頂帶以示薄懲仍責成妥爲遣散儻任該勇丁滋
事擾害及查有激變情事卽著從嚴參辦前因曾璧光奏興義等
處需軍勦辦諭令劉嶽昭將劉嶽曙一軍酌調回黔見在此軍旣
經遣撤著曾璧光另行籌派兵勇前往勦辦昭通回匪聚眾抗拒
唐友耕一軍近日勦辦情形若何著劉嶽昭迅速籌辦省圖日久
未解亦當迅籌援應毋爲一隅牽掣顧此失彼也將此由五百里
各諭令知之○乙亥諭內閣前據丁寶楨奏太監安得海私自出

京沿途招搖當諭令該撫嚴密查拏卽將安得海就地正法嗣據
丁寶楨奏遵旨將安得海拏獲正法復諭令該撫此外尙有太監
幾人於訊明後一併絞決隨從人等分別辦理茲據丁寶楨查明
覆奏陳玉祥李平安李得喜郝長瑞李順計得壽六犯均係太監
跟隨私逃業經遵旨絞決外其假充前站官之黃石魁田兒及標
丁韓寶清戴登雲何林芝高振邦劉鳳喜等幫同招搖恐嚇居民
罪惡昭著以上七犯業經丁寶楨於審明後一併正法至金安言
劉文瑞劉凱黃廣善雖訊無隨從撞騙情事惟均係蘇拉張瑞係
跟蘇拉服役之人俱應守法乃聽從安得海私自出外實屬不安
本分僧人演文跟隨安得海不守清規安得海家屬安邦太安馬
氏二犯隨同外出俱屬罪有應得以上八犯均著發往黑龍江給
披甲人爲奴餘著照所議辦理此旨同八月十一日諭旨著一併

載入宮中見行則例○諭太監王添幅爲安得海經管家務種種不法見在跟隨安得海山外滋事之太監陳玉祥等業經丁寶楨遵旨將該犯等絞決王添幅情罪相同著慎刑司將該犯解交刑部卽行處絞○諭左宗棠奏請將黨匪殃民之道員革職拏問等語甘肅補用道前署平涼府知府李超羣恃匪首張貴自衛令其子李毓英與張貴交結並委其戚陳九如代理靜甯州知州爲張貴接括民財似此黨匪殃民實爲地方之害李超羣著卽革職拏問州吏目陳九如縣丞李毓英著一併革職拏問嚴訊懲辦○左宗棠奏八月十三日據陝安道黃鼎馳稟初八日誦匪首張貴卽剛八已調水洛城威戎鎮豫料堡各匪踞底店鎮門扇岔曹務川各隘築壘十餘以抗官軍黃鼎及總兵簡敬臨提督周蘭亭商議分路前進適黃鼎所部總兵徐占彪先日率馬步五營已連夜急

馳踰山壓底店賊壘而陣賊欺其單喉其黨眾三面環攻氣殊騎甚徐占彪等嚴陣以待一面遣卒馳報黃鼎黃鼎卽率所部急進甫上崆峒山嶺見徐占彪在山下底店與賊接戰正酣忽另股從門扇岔遙擁而至將出徐占彪之後黃鼎飭總兵韋占雄黃有志副將趙興隆胡應芳馬步各營先擊門扇岔之賊自督親兵及參將林定遠朱蘭亭及臣親兵礮隊副將黃寶林等馳擊底店之賊徐占彪等見後路官軍大至立督馬步各營分隊衝殺陣斬匪目高鳳翥余天喜及悍賊百餘名生擒一百二十二名匪眾敗入底店第二壘黃鼎飭黃寶林率礮隊急攻之礮子從空墜入壘中轟斃數賊賊大驚潰棄壘狂奔各營整隊截殺猛追二十里至岳家堡賊甫入堡適胡應芳韋占雄等馬步各營擊敗門扇岔之賊殺賊數百立將門扇岔三壘曹務川三壘一律攻破掃蕩而來岳家

堡之賊益惶懼不知所措復棄壘狂竄各營會隊窮追沿途賊屍徧野適大雨傾注是夜卽收隊岳家堡底店堡一帶駐紮初九日黃鼎冒雨追賊赴莊浪城調賊敗遁威戎堡裹脅之眾逃散大半初十日進至威戎堡賊已遁新集子壩常將威戎堡平毀跟追至張家小河十一夜追近新集子壩地方兩日沿途見賊遺棄帳棚軍械輜重無數牛羊騾驢徧滿山谷被脅難民或棄械求撫或伏地哭訴均分別遣釋其持械竄匿者搜獲斬之訊據匪黨供稱張貴侯得應連日狂奔黨夥盡散見隨竄新集子壩馬建堡者人馬不過數百而已十二日丑刻黃鼎出隊圍新集子壩堡破之斃匪二百餘名徐占彪分擣馬建堡匪巢斬匪目石進學劉海漁及餘黨二百餘名其簡敬臨一軍抵水洛城匪目楊文運敗遁增生史漢以被脅之兩營就撫撫定後卽率所部進威戎堡至是會隊追

賊而匪首張貴侯得應已於官軍逼近時偕百數十騎先遁矣十三日黃鼎簡敬臨率所部回駐威戎以匪黨散竄首惡在逃匪目尙多漏網遂分途搜捕自十四日起至二十一日止約共搜斬逸匪二百餘名而張貴侯得應等迄未就縛訊據降眾供稱張貴侯得應有仍投蘭州之意又該匪等曾接范銘信屬以事不順手卽往投該軍黃鼎又接會甯縣士民秘稟張貴侯得應見在會甯收集潰匪及舊脅匪黨意俟官軍撤後仍圖起事已於二十二日率隊往剿尙未接其續報臣亦飛咨署督臣穆圖善如該匪等仍赴蘭州就撫卽擒斬之或潛投岷州范銘軍營亦卽勒令繳出以除禍本其吳士邁李耀南湯聘珍等營已抵通渭穆圖善所遣傅先宗一軍帶所部各營亦稟報前往會剿是兵力已厚積年匪巢已空首逆必難漏網臣因劉松山已乘勝近逼吳忠堡陝甘逆回潛

相句結希圖抗拒中路官軍急宜節節接蕩而北以分賊勢而速
戎機見飭簡敬臨移駐靜甯飛調黃鼎全軍由瓦亭平涼會師北
向臣察看機局如北路無橫溢四竄之虞臣當率親兵移駐平涼
以期兼顧又奏接劉松山七月二十四日定邊所發緘牘知擬於
二十六日進花馬池探報前竄後套之賊因官軍西進折回一股
仍從花馬池迤北向西南竄去又據靈州難民稱甯夏竄回已過
東岸見踞金積堡附近一帶該提督二十八日整隊西行八月二
十四日接劉松山初八日靈州下橋營次馳報二十八日自花馬
池西行四十餘里詎回騎有從邊牆外南竄者劉松山飭蘇松鎮
總兵章合才道員劉錦棠率馬步各營南出擊之自率隊西行駐
安定堡以待章合才劉錦棠等南行十餘里卽與賊遇官軍三路
奮擊立斃馬賊十餘名賊駭而奔官軍跟蹤猛追二十里至天池

子斃賊約二百餘名生擒二十一名並奪獲逆回所擄邊外牛羊
驢四百餘頭訊據生擒僉供此股係甘回蘇光棍夥黨訊畢斬之
二十九日進興武營八月初一日抵磁窯訛知陝回踞靈州附近
一帶與甘回雜處初二日行三十里探騎飛報甜水河見賊數騎
劉松山以地勢甚狹飭中軍各營護輜重緩行自率前左右三軍
馬隊五營前進甫至甜水河賊騎千餘忽從兩旁山塢衝出意似
繞截官軍提督易德麟李就山知州李樹棠率所部迎頭截擊劉
松山飭章合才提督李占椿喻執益率部隊擊其左提督余虎恩
陳宗藩率馬隊繼之提督蕭章開曾德喜李雲貴率步隊擊其右
提督潘運璋彭緒圻譚上連率馬隊繼之逆回見官軍大至駭而
奔官軍分路縱擊斃賊約二百名生擒十九名奪賊馬七十餘騎
追近靈州城北二里許城南一帶陝回悉向南路狂奔惟靈州本

地回民未動劉松山令於城西築壘是夜靈州已撫回目周斌誼
營面稟陝回敗遁靈境後分踞甘回各莊甘回畏其悍不敢與校
劉松山比卽飛札金積堡馬朝清令其傳知各寨堡官軍祇剿陝
回已撫之甘回安居無恐並令周斌選派十餘人隨隊行走傳示
所過各回堡俾咸知官軍此來無他也行二十餘里所歷各回堡
均安堵如故適探騎追獲一陝回供稱逆眾昨經官軍擊敗悉歸
郭家橋老巢頭目係余彥祿馬正剛馬長順等距此約六七里訊
畢整隊齊進逆回見大軍逼近郭家橋各莊賊眾紛紛吹角出巢
馬步橫排數十圍人馬約計七八千勢甚囂悍劉松山立飭易德
麟率李就山李樹棠劉錦棠率提督陶定昇易致中及五品軍功
董福祥分兩支進中路章合才率李占椿喻執益進左路蕭章開
率提督曾德喜李雲貴進右路自率提督何作霖譚拔萃周國勝

及馬隊五營由中路繼進正列隊間騎賊分兩面猛衝而來步賊數路繼進兇悍異常劉松山飭余虎恩陳宗蕃彭緒忻率左隊從左路之左進何作霖率步隊繼之潘運璋譚上連率馬隊從右路之右進周國勝繼之各營槍礮連環開放間以炸彈聲震山谷賊中人馬紛紛倒斃悍賊猶挺矛死撲數卻數前鏖戰逾時劉松山見馬賊甚厚飛令何作霖周國勝督步隊附馬隊加勁猛撲自督譚拔萃及步隊各路奮威衝殺賊始大亂各營乘勢追殺敗回不敢歸巢立將郭家橋賊巢二十餘處一律平毀巢內外賊屍枕藉軍械拋棄滿地敗賊悉數南趨官軍齊隊追至下橋下橋架寨渠之上水深橋小敗賊不能遽過仍返旆回拒劉松山督馬步各營薄之立將賊眾衝爲十餘起人馬溺斃無數渠西溝港環繞敗賊更難速遁官軍又追殺數里近吳忠堡始行收隊回駐下橋一帶

村莊計是役共斃賊千數百名生擒一百十三名奪獲戰馬騾驢千餘匹槍械數千件餘逆向金積堡一帶逃去官軍員弁勇丁陣亡者十五名記名提督蘇松鎮總兵章合才右肩肋中礮子傷骨斷提督李占椿左腿受礮子傷穿透其餘員弁勇丁受傷者五十名此八月初三日攻破靈州南郭家橋一帶回巢大獲勝仗之實情形也方官軍進郭家橋沿途各寨堡開放槍礮且旁堡列隊呼殺官兵劉松山飭各營祇追陝回暫置不理是夜接馬朝清來稟陝回撫有端倪已稟知陝甘總督署總督飭辦劉松山飭將乞撫情形據實稟知初四日附近各回寨紛紛出隊向官軍索戰劉松山恐馬朝清尙未傳徧又恐甘回驚疑致然仍按兵不動並出示曉諭免剿初五日甘回各寨復列隊近營施放槍礮比官軍出隊仍卽卻退初六日復列隊近營圖撲官軍營壘人數更多劉

松山始令各營出隊擊之斃賊多名賊仍敗退馬朝清迄未將乞撫情形稟復並噉金積堡各處精壯回民及擊敗之陝回踞吳忠堡一帶噉靈州附近各寨堡回民踞官軍之後又噉踞甯安堡四百戶一帶之陝回馬正和崔三等前來助逆復決秦渠之水以自固而困官軍用意險毒如此臣於八月十三日接馬朝清第三次稟仍代陝回求撫並據陝回各目遞具乞撫稟結前來察其稟詞頗有惶懼之意卻於劉松山兵至何處一字不提惟言穆署制憲已委署河州鎮胡昌會由省來靈飭職員察看陝回如果窮蹙善爲開導諭令投誠意若惟恐不允其請竊以時日計之劉松山必已進兵馬朝清及各陝回或因畏勦而爲緩兵之計惟未接到劉松山緘牘究難臆度因批示漢回同是朝廷赤子本無異視如果誠心悔罪求爲良民自當仰體 皇恩奏請寬其既往惟前據第

二次稟稱陝回言行相背反覆無常其求撫者引領而待命其兇狡者猶涉險而跳梁近在甯靈地面及中衛甯安恩和石空寺等堡肆擾漢回均受其害是陝回多有不求撫者回不求撫官軍自不得不剿茲復據稟陝回一律求撫其前此竄至後套沙金托海澄口圍阿拉善定遠城犯鄂爾多斯五勝札薩等旗之回是否一併在內其中衛甯安恩和石空寺等堡是否仍前肆擾未據聲敘此次遞具稟結求撫各回目情詞雖極懇切然從前屢次求撫迄無成說見據轉稟決無反覆何能深信所有該回等求撫各情北路應由廣東陸路提督劉松山南路應由陝西提督雷正綰就近察看誠僞以憑覈明會奏請旨其咨劉松山公牘卽交馬朝清轉遞令其不疑批發後並飛咨穆圖善查照蓋不欲遽許其降掣劉松山之肘又不欲峻拒其降絕良回之望也茲據劉松山報初八

日以前戰狀則馬化澂初四日遞稟代陝回求撫正在初三日官軍郭家橋大捷之後其畏剿緩兵已無可疑劉松山所駐下橋地方在金積堡之前吳忠堡之後來牘原擬先剿後路據雷正綰緘報固原回民喧傳吳忠堡已被官軍擊破馬化澂急調豫望同心黑城子各堡回民助逆雖尚未據劉松山續報而以時勢揣之似吳忠堡之克亦在意中日內固原回民紛紛挈眷北徙游騎時越固原而南似逆同意欲阻截官軍北行而以全力拒劉松山也臣又催黃鼎簡敬臨馬德順各率所部隊伍由固原前進且撫且剿冀分賊勢而收夾擊之效惟劉松山軍食全賴後路轉輸自該軍由花馬池南下後後套敗回之賊陸續由草地入邊掠食頃據署延榆綏道成定康疊報鎮靖堡定邊一帶逆回零騎劫奪官糧運道中梗而郭寶昌前因傷疾舉發咯血增劇請假兩月調治未痊

臣前催金運昌撥卓勝軍馬隊由綏德鎮靖堡定邊前進並催副都統全福飭所部馬隊迅由綏德拔行技勦兼護糧運然餉道遠至千數百里未卜能否疏通據劉松山絨稱甯夏收成豐稔已委員採辦臣慮甯夏至靈州一帶運道難免逆回擾截應請飭下署將軍金順廣爲採購派隊護運劉松山軍前俾免缺乏庶飽騰可期局勢始臻穩固其糧價運腳臣當指撥山西米捐的款解還伏懇 聖恩酌度施行 上諭軍機大臣等左宗棠奏劉松山一軍由花馬池進抵靈州於八月初三日將郭家橋一帶回巢攻破初四至初六日附近各回寨紛紛出隊圍撲官軍營盤金積堡吳忠堡等處回匪同時糾眾抗拒是陝甘各回已聯成一氣勢頗鴟張惟昨據定安奏稱疊接豐紳張曜文札靈州城於八月初五日夜爲回匪襲踞而此次左宗棠所奏接到初八日劉松山函報並未

提及靈州失陷之事究竟見在靈州情形若何著左宗棠詳查具奏劉松山各營見紮下橋進剿吳忠堡踞匪曾否攻克見在北路回匪麇集務當飭令該提督步步爲營慎顧後路毋爲該逆所乘並著速飭黃鼎簡敬臨馬德順等軍由固原前進與北路官軍聯絡夾擊毋稍延緩鎮靖堡定邊一帶時有逆匪劫奪官糧劉松山軍後路運道深慮梗阻著卽飭令金運昌全福等督兵搜剿疏通糧路金順見已行抵何處著懷遵昨日諭旨速赴甯夏妥籌防剿甯夏本年收成豐稔並著該署將軍廣購糧石派隊護運劉松山軍中俾免缺乏應需糧價卽由左宗棠解還歸款甯靈甘回投誠已久此時因大兵進剿陝回致生疑懼良回因之煽惑左宗棠仍當飭令劉松山等分別良莠妥爲辦理中路土匪業經肅清惟匪首張貴侯得應逃逸未獲該犯等有投往蘭州之說著穆圖善卽

行查拏正法毋任漏網將此由六百里各諭令知之○丙子允李
宗羲奏添募防河勇丁暫歸宋慶節制○丁丑諭軍機大臣等前
因直隸臬司史念祖年歲甚輕恐未能勝方面之任諭令曾國藩
留心察看嗣經該督奏稱飭令該臬司綜理發審局藉資講求刑
律見在已閱數月史念祖能否通曉刑名足以表率寅僚諒該督
知之必真著卽據實具奏臬司爲刑名總匯關係至重朝廷用人
初無成見史念祖如不勝任該督不必稍存遷就也將此諭令知
之○戊寅諭軍機大臣等岑毓英奏官軍攻克易門縣城及黑琅
等處鹽井賊巢一摺雲南附省賊匪屢恃後路聲援未斷並有鹽
井以資其用築壘抗拒官兵見經岑毓英派令李維述等節節進
剿次第將易門縣城及黑琅等處鹽井收復並攻破海口八街等
處賊巢剿辦尙屬得手卽著岑毓英飭令田仲興各軍會合岑毓

寶等乘勝進攻迅將安甯州城克復次第規取昆陽新興該撫務當親督各軍將附省賊壘悉數掃除毋畱餘孽並著劉嶽昭懷遵疊次諭旨將省城剿匪事宜與岑毓英會商辦理唐友耕一軍近日剿賊情形若何並著查明具奏將此由六百里各諭令知之○庚辰諭內閣軍營遣散勇丁例應將軍械呈繳嗣後有未繳軍械者治以私藏軍械之罪劫奪殺傷人者以軍法從事著各路統兵大員嚴切曉諭務期有犯必懲以戢凶暴○諭軍機大臣等蘇鳳文奏遵查派赴越南剿賊員弁尙無畏葸並馮子材出境督辦一摺廣西官軍派赴越南剿賊既據該撫奏稱帶兵之總兵謝繼貴等俱屬勇往得力尙無畏葸情事該提督自得高平捷報已由龍州親赴夷地諒山一帶居中調度各該將弁可資統率惟逆首吳亞終雖經擊敗仍未就擒且勾結太原土匪分踞周市買市等處

設竟乘隙奔竄到處滋擾勦辦何時蒞事著蘇鳳文馮子材振刷精神會商進剿見屆秋深瘴退正可將各軍力加整頓飭令前進務將首逆擒獲全股殄除毋得觀望遷延並嚴飭謝繼貴等約束兵勇不得沿途騷擾用示朝廷綏靖藩封至意將此由五百里各諭令知之○孚郡王等奏遵刻 聖諭十六條及附律易解書成恭進呈覽得旨書畱中並著頒發各直省督撫府尹學政暨盛京吉林黑龍江將軍一體祇領○修安徽無爲州隄工○壬午諭軍機大臣等前因文煜奏暹羅國進貢請由天津進京據情代奏當交禮部議奏茲據奏稱見在中原底定由粵赴京驛路並無梗阻卽有應行繞道之處亦可知照經過地方官妥爲接護若由海道至天津經涉重洋恐有風濤之險地方官無從防護應毋庸更變舊章等語卽著照所議暹羅國進貢照舊航海至廣東虎門起旱

後馳驛赴京毋庸改由天津至該國自咸豐二年以後屢次失貢
係道途阻滯事出有因著加恩免其補進貢物文煜英桂卞寶第
卽知照該國王欽遵辦理至該國進貢之期行抵虎門並著瑞麟
李福泰遴派委員沿途護送並知照經過各省督撫派員接護用
副朝廷懷柔遠人至意將此各諭令知之○前任工部右侍郎石
贊清卒予祭葬○甲申肅親王華豐以病免仍予食全俸○乙酉
諭軍機大臣等金順奏官軍直抵甯郡城防解嚴並請飭富勒琿
毋庸截畱隊伍各摺片陝匪竄入甯境甯屬降回復萌叛志金順
派副都統常福先赴郡城協守親率步隊於上月二十九日抵甯
業將距城八里之賊壘三處立時攻拔殺賊多名城防解嚴該署
將軍見令衛隊營填紮二道墩以扼南路張曜前隊亦已到甯著
定安金順督飭各軍乘此聲威會合進剿迅殄逆氛前據神機營

王大臣奏接據定安函稱劉松山一軍有輕進激變等情此次金順摺內並未敘及甯屬降回究竟因何起釁金積堡回目馬化澂見在情形若何靈州是否爲其襲陷均著該署將軍詳細奏聞劉松山見駐靈州並著該署將軍聯絡聲威共籌保衛富勒琿遵起歸化城副都統之任甯屬攻勦正當喫緊其所部洋槍隊已由金順咨會該副都統飭令營官楊裕德統帶來甯助勦並將軍裝交該營官一併護解赴營著定安金順傳諭該副都統不得任意截畱致誤西路勦務將此由六百里各諭令知之○諭劉嶽昭奏辦理昭魯回務情形起程進省並營勇索餉請飭川省酌辦岑毓英奏城圍已解攻克大姚等縣城池及圍攻安甯州城約束降人各摺片唐友耕一軍前據崇實等奏稱該處文武稟畱當經諭令劉嶽昭從長辦理茲據該督奏稱唐友耕籍隸昭通所部實俱滇練

肆口復仇致魯甸威甯各處回民疊出剽掠該軍與之接仗數次互有損傷見在東昭大路復多梗塞等語此處回民聞謠自固與公然叛逆者不同唐友耕既經崇實等派令援滇何得以先辦昭回爲名使漢回從中生釁卽著崇實吳棠嚴飭該提督趕緊拔隊前進不准藉詞逗畱劉嶽昭亦當迅飭孔昭鈐等相機妥辦如唐友耕仍執成見玩視省城著劉嶽昭等據實參奏劉嶽曙所帶四營因川省欠餉過多各勇丁攜械潛逃已由劉嶽昭派員查辦並令分紮宣威威甯等處著崇實吳棠仍遵前旨酌度情形妥爲辦理其未能先事豫防之統領營官並著該將軍等查明懲辦以儆刁風大姚廣通兩縣城池經楊玉科各軍先後收復而附省江右館等處賊壘又經岑毓英等督飭兵勇晝夜環攻生擒首逆多名蔡廷棟縛賊自獻餘匪併歸土堆省城業已解圍此次官軍攻破

各壘馬如龍帶創督隊並親赴賊營勒令賊目白相斬獻實屬奮
勇可嘉岑毓英於各路援軍未到之時竟能激勵將士力解省圍
洵爲不負委任其縛獻安汶義之降人蔡廷棟卽著交馬如龍時
加約束以收後效安甯逃賊業經何秀林截殺殆盡州城內外亦
已一律肅清惟逆目劉城米映山見未擒獲餘匪尙踞土堆仍著
岑毓英會同馬如龍督隊圍攻盡殲醜類劉嶽昭計可抵省滇南
糜爛已極該督務將一切防剿事宜與岑毓英和衷商榷不可各
存意見並著該督等趁此官軍得手之時將各處失陷城邑次第
收復進除巨憝用靖邊陲將此由六百里各諭令知之○丙戌諭
軍機大臣等穆圖善奏籌辦防剿請飭左宗棠迅撥餉銀鎮番解
圍各摺片前因左宗棠奏涇州爲適中之地可兼顧南北當經諭
令暫時駐紮並令穆圖善卽將總督關防派員送交茲據該將軍

奏擬俟左宗棠到秦送交關防自係尙未接奉前旨著穆圖善仍遵前旨將關防迅速派員送交毋稍延緩惟甘軍需餉甚爲急迫左宗棠既經抵甘接印自應將在甘各營通盤籌畫酌量裁併勻撥餉需豈可稍存膜視見據穆圖善奏稱鄂臺轉運之餉已經袁保恆悉數提歸陝西甘軍毫無指望譁潰堪虞自係實在情形著左宗棠指明專款飭令袁保恆迅速撥解源源接濟以固軍心鎮番縣城突有賊匪圍撲經王仁和帶兵救援立解城圍並將涼州西南炭山堡一帶賊匪擊退尙爲出力著左宗棠穆圖善仍飭王仁和將永昌竄匪迅速追剿毋畱餘孽陝回逃入甘境蔓延甚廣靖遠碾伯等縣亦有賊蹤左宗棠務當分派各軍力圖掃蕩毋任四出滋擾劉松山等軍由靈州進剿近日情形若何著隨時具奏以慰厯繫省垣關繫緊要應如何布置及南路防剿各事宜均應

妥籌辦理毋得顧此失彼將此由六百里各諭令知之○丁亥諭
軍機大臣等文麟等奏回匪竄撲哈密官軍截剿獲勝伊勒屯奏
派兵赴哈應援各一摺西路烏魯木齊等處回逆竄至五堡欲撲
哈密經文麟等派兵擊退該逆見率大股復來滋擾伊勒屯已派
協領富琳布等帶兵赴哈援應卽著文麟景廉飭令孔才等督率
哈密各軍會合巴里坤派來之兵迅速兜剿毋令蔓延巴里坤西
路橙槽溝一帶防務並著伊勒屯何瑄飭令協領慶壽等嚴密防
守不得稍有疏虞逆回勾引哈城回眾內應經已故回王伯錫爾
之福晉邁哩巴鈕妥爲防範並諭本城纏頭不准出城實屬深明
大義著文麟等傳旨加獎並令遴派得力回兵隨同官兵協剿西
路兵單餉絀徵調維艱如見在情形緊急著左宗棠穆圖善酌撥
勁旅援剿其餉項一切並著左宗棠隨時兼顧將此由六百里諭

知左宗棠穆圖善文麟景廉伊勒屯並傳諭何瑄知之○戊子諭軍機大臣等金順奏官軍進剿蘇家燒房攻拔賊壘並請飭撥軍士寒衣銀兩各摺片回逆在蘇家燒房築壘抗拒經金順督兵會同張曜所部連獲大勝攻拔逆壘回目陣斬幾盡洵足以寒賊膽惟納萬元一名未據該署將軍聲明是否被斬於陣抑或逃竄仍著金順查明妥速辦理毋任漏網金順見擬會商張曜撥隊進紮南路王渠橋一帶以圖肅清西岸卽著會商節節進剿掃蕩而前以靖邊圉其後路石觜山磴口要隘雖經張曜畱兵防守第恐師行愈遠該逆乘虛繞竄並著定安妥爲兼顧甯屬降回究竟因何起釁馬化澂是否襲踞靈州近來情形若何金順見抵甯郡卽著訪查明確詳細奏聞劉松山所部見在行抵何處何以並不聯絡同進均著一併據實具奏邊外天氣寒苦副都統托克屯籌辦皮

衣無款支給深可憫念著李宗義於應解京餉內劃撥銀二萬兩
卽日解交歸綏道由金順派員領解見在金順督兵進剿正直喫
緊之際若令餉項缺乏必致停兵以待著李宗義懍遵前旨將河
東道欠解丁卯戊辰兩綱銀九萬二千兩並己巳綱應解十八萬
兩嚴飭該道分批起解毋許稍有遲誤將此由六百里各諭令知
之○移福建鳳山縣興隆里巡檢於枋寮撥臺灣道標千總一員
兵一百名同往駐紮○加賞普濟堂功德林賑米八百石○予甘
肅陣亡遊擊舒興勝祭葬世職○庚寅諭軍機大臣等何瑄奏官
兵擊退竄匪一摺烏魯木齊等處賊匪竄擾哈密並分股窺伺巴
城經何瑄帶領官兵馳抵草打坂將山南沙棗泉一帶之賊擊退
該逆復因哈密兵到悉向吐魯番逃遁著伊勒屯何瑄迅飭派出
各軍探明賊蹤乘勝追剿並著文麟景廉飭令副將趙萬海督率

馬步各隊會合追擊母畱餘孽將此由六百里諭知文麟景廉伊勒屯並傳諭何琯知之○壬辰諭軍機大臣等定安等奏嵩武軍馳抵甯夏請飭察哈爾迅撥駝隻暨擬保打仗防河各官兵並宋慶病痊銷假各摺片張曜一軍前駐沙金托海迪西一聞靈州警信馳抵甯夏與金順各軍共解城圍該提督遠道赴援疊獲勝仗實屬忠勇可嘉該軍軍火糧儲必須隨時籌解方可無誤師行除礮位各件已由定安等運解外所需駝隻雖由歸綏趕緊購買而接替護送猶慮不敷著文盛卽在商都駝羣內揀選臚壯大駝三百隻迅派妥員解往以備各隊轉運之需毋稍延緩河西一帶卽著該將軍等嚴飭所撥之軍實力扼紮以資策應靈州情形究竟如何並著傳知張曜會同金順等相機進剿用殄逆氛歸綏疊次打仗及防河各官兵自上年到防以來尙屬出力著准其擇尤奏

保母許門濫提督宋慶前因患病給假駐軍神木並分軍西紮所至與民相安所部將領復能勦匪屢勝該提督勇於任事約束嚴明洵爲不負委任見在病痊銷假著定安等仍遵前旨飭令在事員弁與該提督所部聯絡聲勢遏賊東趨不可稍涉大意將此由五百里各諭令知之○允曾國藩撥款疏濬永定河並加撥長蘆運庫銀二萬餘兩備修防○癸巳諭軍機大臣等理藩院奏阿拉善親王貢桑珠爾默特呈報回匪竄擾情形請撥兵救援一摺所稱陝省董志原逆回竄入甯郡句通甯夏回匪攻撲定遠營城及竄至福因寺等處提督張曜所部獲勝各情均係在金順未到甯夏以前惟見在陝甘各回分股騷擾該親王亦風聞靈州失守甯夏之圍雖解而賊勢尙屬披猖阿拉善所屬之定遠營東通包鎮綏遠等處南連中衛均無險阻可守轉瞬黃河冰凍尤虞該逆東

趨金順勦賊見正得手著卽懷遵疊次諭旨會同張曜等軍乘機兜擊毋任該逆盤踞城寨勢成負隅靈州情形何似著左宗棠確查具奏一面調派勁旅馳赴甯靈一帶與金順等迅圖勦洗不得以無兵可撥致逆蹤擾害蒙地復肆蔓延將此由五百里各諭令知之○甲午諭軍機大臣等富明阿奏查城途次拏獲馬賊正法一摺吉林五常堡新開荒地一帶時有盜賊滋擾本月初九日富明阿因巡閱各城行抵東孤家子地方探聞該逆在桃山屯盤踞當卽派員將匪首王淮及夥匪等先後拏獲十四名訊明正法辦理尙爲妥速著富明阿仍飭各該營官弁迅將逃逸各犯悉數拏獲以靖地方此次尤爲出力之官弁兵丁等准其彙於節次緝賊出力官兵案內擇尤保獎毋許冒濫至五常堡添設官兵前據該將軍奏請將奉天來堡依親之旗丁充補業經該將軍咨送旗籍

到部何以兩年之久富明阿尙未接到部覆著該部迅速查明辦理將此諭令知之○乙未諭軍機大臣等沈葆楨奏新造輪船赴津請派大員勘驗一摺福建新造第一號輪船沈葆楨見在派道員吳大廷監駛赴津著派崇厚前往驗收所有船身機器湊鑪一切是否悉臻完善並著詳細勘明據實覆奏至此號輪船卽著照沈葆楨前擬名爲萬年清沈葆楨所繪輪船總圖業由軍機處呈進畱中備覽沈葆楨原摺鈔給崇厚閱看尋崇厚奏遵驗新造輪船實係工料堅固輪機靈捷教習駕駛亦頗嫻熟報聞○丙申賞五城貧民棉衣銀○戊戌以孟冬時享 太廟 上前期親詣行禮○諭軍機大臣等福濟榮全奏會商善後防邊事宜福濟文碩奏遵籌安插厄魯特章程酌擬變通辦理並密陳棍噶扎勒參固執情形文碩奏因病請假並請暫駐烏城各摺片此次立界事宜

業經榮全辦竣惟自博果蘇克壩起至沙賓達巴哈止新立牌博
八處雖與俄使議定會查章程尤須派員隨時周歷方足以固中
外之防著福濟榮全飭令唐努烏梁海總管分派妥員不時赴新
立牌博處所嚴密巡邏具結彙報該將軍等仍當隨時畱心察訪
儻該蒙官虛應故事不能認真稽覈立即分別懲辦以期疆界乂
安永消隱患厄魯特不願東徙自應暫令各安舊居福濟文碩請
將僧眾仍賜棍噶扎勒參爲徒居於阿爾泰山南俗眾居於青格
里河交總管巴彥特古斯妥籌安插均著照所擬辦理至遊牧領
隊大臣亦著照所請令巴彥特古斯暫行署理以資鈐束福濟等
密奏棍噶扎勒參請餉西征各節勢難遽行著俟錫綸會銜摺奏
到日再降諭旨原片畱中文碩行抵烏里雅蘇台舊疾復發著賞
假一箇月暫駐烏城調理至布倫托海應否裁撤仍隸科城文碩

錫綸將來應駐何處著福濟詳酌情形妥議具奏將此由四百里
各諭令知之○予浙江殉難從九品陸同祖等建祠